

De Veer lo bai habri dos teatro di película

ORANJESTAD - Ayera De Veer Theaters a anunciá cu pronto lo bai tin apertura di dos cinema na Seaport Market Place.

Pa hopi tempo e comunidad tabata sinti falta di un cinema caminda famfa, local y turista, por disfrutá di un bon película.

Desde cierre di Boulevard Theaters na 1988, tabatin pregunta si un teatro nobo lo wordo construí y pa ki

tempo.

Den e informe cu a ser mandá pa prensa, ta wordo mencioná cu debí na e enorme demanda y peticion pa un teatro, De Veer Theaters a dicití pa habri dos cinema.

Actualmente e arquitecto nan ta trahando plan y ta estructurando e detayenan p'asina determiná cuanto asiento cada uno di e teatronan lo bai tin.

Na mesun momento nan

ta informá cu ambos teatro lo ta situá na Seaport Marketplace, aunke e sitio exacto no a keda dicití ainda.

Nan ta di opinion cu pa Seaport Marketplace esaki ta un bon adquisicion como cu mas y mas e Marketplace kier concentrá pa bira un berdadero "Festival Marketplace". Cu e dos teatronan nobo, e Marketplace lo bai haya mas bishitante cu lo beneficiá

tanto e establecimentonan comercial como e restaurantnan.

No a fiha un fecha di apertura ainda. Mientras cu e plannan ta progresá, Seaport Marketplace como De Veer Theaters lo informá e público di esakinan.

Esaki sigur lo trece un recreacion nobo, especialmente e público cu di e manera aki ta haya un diverti-

cion sano.

Ademas di esaki Bon Dia Aruba por a comprondé cu recientemente a habri su portanan patras di unda antes tabata Bata (awor Rock 'n Roll Boutique) un video theater di Tony Schouten cu ta habrí te laat. Tin posibilidad te cu maximalmente 49 asiento.

Dependiendo di e interes lo por bai na amplia esaki. □